

**Feria v. die 24. Septemb. 1665.**

In Congregatione generali Sanctæ Romanæ, & vniuersalis Inquisitionis habita in Palatio Apostol. Montis Quirinalis coram Sanctiss. D. N. ALEXANDRO Diuina Prouidentia Papa VII., ac Eminentiss. & Reuerendiss. DD. S. R. E. Cardinalibus in tota Republica Christiana aduersus hæreticam prauitatem Generalibus Inquisitoribus à Sancta Sede Apostolica specialiter Deputatis,

*Biblioteca Transpontina.*



Romæ, & Florentiæ apud Vincentium Vangelisti  
Archiepiscopalem Typographum. 1679.



3 Sententia asserens, Bullam Cœnæ solium prohibere absolutionem hæresis, & aliorum criminum, quando publica sunt, & id non derogare facultati Tridentini, in qua de occultis criminibus setmo est, anno 1629. 18. Iulij in Consistorio Sacr. Congregat. Eminentiss. Card. visa, & tolerata est.

4 Prælati Regulares possunt in foro conscientiae absolvere quoscumq; seculares ab hæresi occulta, & ab excommunicatione propter eam iurata.

5 Quamvis evidenter tibi constet Petrum esse hæreticum, non teneris denunciare, si probare non possis.

6 Confessarius, qui in Sacramentali confessione tribuit Pœnitenti chartam postea legendam, in qua ad Venerem incitat, non censetur sollicitasse in Confessione; ac proinde non est denunciandus.

7 Modus evadendi obligationem denunciandæ sollicitationis est: Si sollicitatus confiteatur cum sollicitante, hic potest ipsum absolvere absque onere denunciandi.

8 Duplicatum stipendium potest Sacerdos pro eadem Missa licitè accipere, applicando petenti partem etiam specialissimam fructus ipsimet celebranti correspondentem, idq; post Decretum Urbani VIII.

9 Post Decretum Urbani potest Sacerdos, cui Missæ celebrandæ traduntur, per alium satisfacere collato illi minore stipendio, alia parte stipendij sibi retenta.

10 Non est contra iustitiam pro pluribus sacrificijs stipendium accipere, & sacrificium vnum offerre; Neq; etiam est contra fidelitatem, etiamsi promittam

promissione etiam iuramento firmata, danti stipendium, quod pro nullo alio offeram.

11 Peccata in Confessione omissa, seu oblita ob ipsius periculum vitæ, aut ob aliam causam, non tenemur in sequenti Confessione exprimere.

12 Mendicantes possunt absoluerè à casibus Episcopis reservatis, non obtenta ad id Episcoporum facultate.

13 Satisfacit præcepto annuæ Confessionis, qui confitetur Regulari Episcopo præsentato, sed ab eo iniuste reprobato.

14 Qui facit Confessionem voluntariè nullam, satisfacit præcepto Ecclesiæ.

15 Penitens propria auctoritate substituere sibi aliū potest, qui loco ipsius penitentiam adimpleat.

16 Qui beneficium curatum habent, possunt sibi eligere in Confessarium simplicem Sacerdotem non approbatum ab Ordinario.

17 Est licitum Religioso, vel Clerico calumniatorem grauius crimina de se, vel de sua Religione spargere minantem, occidere, quando alius modus defendendi non suppetit, vti suppetere non videtur, si calumniator sic paratus, vel ipsi Religioso, vel eius Religioni publicè, & coram grauissimis Viris prædicta impingere nisi occidatur.

18 Licet interficere falsum Accusatorem, falsos Testes, ac etiam Iudicem, à quo iniqua certò imminet sententia, si alia via nō potest innocēs damnum evitare.

19 Non peccat Maritus occidens propria auctoritate Vxorem in adulterio deprehensam.

20 Restitutio à Pio V. imposita Beneficiatis non recitantibus, non debetur in conscientia ante sententiam declaratoriam Iudicis, eo quod sit poena.

21 Haben! Cappellaniā collatiuam, aut quoduis aliud Beneficium Ecclesiasticum si studio litterarū vacet, satisfacit suę obligationi, si Officiū per aliū recitet.

22 Non est contra iustitiam Beneficia Ecclesiastica non conferre gratis, quia collator conferens illa beneficia Ecclesiastica pecunia interueniente non exigit illam pro collatione Beneficij, sed veluti pro emolumento temporali, quod tibi conferre non tenebatur.

23 Frangens ieiunium Ecclesię, ad quod tenetur, non peccat mortaliter, nisi ex contemptu, vel in obedientia hoc faciat, puta, quia non vult se subijcere præcepto.

24 Mollities, sodomia, & bestialitas sunt peccata eiusdem speciei infirmę, ideoque sufficit dicere in confessione, se procurasse pollutionem.

25 Qui habuit copulam cum soluta, satisfacit confessionis præcepto, dicens; commisi cum soluta graue peccatum contra castitatem, non explicando copulā.

26 Quando litigantes habent pro se opiniones eque probabiles potest Iudex pecuniam accipere pro ferenda sententia in fauorem vnius præ alio.

27 Si liber sit alicuius iunioris, & moderni, debet opinio censeri probabilis, dum non constet, relectam esse à Sede Apostolica tanquam improbabilem.

28 Populos non peccat, etiamsi absque vlla causa non recipiat legem à Principe promulgatam.

Quibus peractis, dum similitum Propositionum exa-

mini cura, & studium impenditur, interea idem Sanctiss. re maturè considerata statuit, & decreuit, prædictas Propositiones, & vnâquamq; ipsarum, vt minimum, tanquam scandalosas, esse damnandas, & prohibendas, sicut eas damnat, ac prohibet: Ita vt quicumq; illas, aut coniunctim, aut diuîsum docuerit, defenderit, ediderit, aut de eis etiam disputatim, publice, aut priuatim tractauerit, nisi forsan impugnando, ipso facto incidat in excommunicationem, a qua non possit (præterquam in articulo mortis) ab alio, quacumque etiam dignitate fulgente, nisi a pro tempore existente Roman. Pont. absolui.

Insuper districtè in virtute sanctæ obedientiæ, & sub interminatione Diuini Iudicii prohibet omnibus Christi fidelibus cuiuscumq; conditionis, dignitatis, ac status, etiam speciali, & specialissima nota dignis, ne prædictas opiniones, aut aliquam ipsarum, ad praxim deducant.

*Io: Lupus S. Rom. & Vniuers. Inquis. Notar. & c.*

Loco ✠ Sigilli.

Anno à Natiuitate D. N. Iesu Christi millesimo sexcentesimo septuagesimo sexto, in ætate quarta, die vero 23. mensis Martij Pontificatus autem Sanctiss. in Christo Patris D. N. D. ALEXANDRI Diuina Prouidencia Papæ VII. anno undecimo, supra dictum decretum affixum, & publicum fuit ad valuas Basilicę Principis Apostolorum, Cancellaria Apostolica, ac in acie Campi Floræ, ac in alijs locis solitis, & consue-  
tis Urbis per me Carolum Melanum eiusdem Sanctiss. D. N. Papæ, & Sanctiss. Inquisitionis Cursorem.

**Feria v. die 18. Martij 1666.**

**In Congregatione generali Sanctæ Romanæ, & vniuersalis Inquisitionis habita in Palatio Apostol. Montis Quirinalis coram Sanctiss. D.N. ALEXANDRO Diuina Proidentia Papa VII., ac Eminentiss. & Reuerendiss. DD. S.R.E. Cardinalibus in tota Republica Christiana aduersus hæreticam prauitatem Generalibus Inquisitoribus à Sancta Sede Apostolica specialiter Deputatis.**



**Romæ, & Florentiæ apud Vincentium Vangelisti  
Archiepiscopalem Typographum. 1679.**

**S**acrosanctissimus D. N. post latum Decretum die 24<sup>th</sup> Septembris proxime clapsi, quo viginti octo Propositiones damnatae fuerunt; examinatis seculo, & accuratè vsque ad hanc diem infrascriptis alijs quadragessimum quintum numerum implentibus, per plures in Sacra Theologia Magistros, ac per Eminentijs. & Reuerendis DD. Cardinales aduersus hæreticam prauitatem Generales Inquisitores, eorum suffragia singillatim super vnaquaque ipsarum audiuit.

Propositio 29. In die ieiunij, qui sæpius modicum, quid comedit, etsi notabilem quantitatem in fine comederit, non frangit ieiunium.

30 Omnes officiales, qui in Republica corporaliter laborant, sunt excusati ab obligatione ieiunij, nec debent se certificare an labor sit compatibilis cum ieiunio.

31 Excusantur absolute à præcepto ieiunij omnes illi, qui iter agunt equitando, vtcumque iter agant, etiamsi iter necessarium non sit, & etiamsi iter vnius diei conficiant.

32 Non est euidens, quod consuetudo noui comendendi oua, & lacticia in Quadragesima obliget.

33 Restitutio fructuum ob omissionem horarum suppleri potest per quascumq; elemosynas, quas antea Beneficiarius de fructibus sui Beneficii fecerit.

34 In die Palmarum recitans officium Paschale, satisfacit præcepto.

35 Vnico officio potest quis satisfacere duplici præcepto pro die presenti, & crastino.

36 Regulares possunt in foro conscientie vti priuilegijs.



legijs suis, quæ sunt expressè reuocata per Concilium Tridentinum.

37 Indulgentiæ concessæ Regularibus, & reuocatæ à Paulo Quinto, hodie sunt reuandatæ.

38 Mandatum Tridentini factum Sacerdoti sacrificanti ex necessitate cum peccato mortali confitendi quamprimum, est consilium, non præceptum.

39 Illa particula *quamprimum* intelligitur, cum Sacerdos suo tempore confitebitur.

40 Est probabilis opinio, quæ dicit, esse tantum veniale osculum habitum ob delectationem carnalem, & sensibilem, quæ ex osculo oritur, secluso periculo consensus vltioris, & pollutionis.

41 Non est obligandus concubinarium ad eiiciendam concubinam, si hæc nimis utilis esset ad oblectamenta concubinarij, vulgo, *regalo*, dum deficiente illo, nimis egrè ageret vitam, & aliæ epulæ cædio magno concubinarium afficerent, & alia famula nimis difficile inueniretur.

42 Licitum est mutuanti aliquid vltra sortem exigere, si se obliget ad non repetendam sortem vsque ad certum tempus.

43 Annuum legatum pro anima relictum, non durat plus quam per decem annos.

44 Quoad forum conscientiae, Reo correcto. eiusque contumacia cessante, cessant censuræ.

45 Libri prohibiti donec expurgentur, possunt retineri vsque dum adhibita diligentia corrigantur.

Quibus maturè pensatis, idem Sanctissimus statuit, ac decreuit, prædictas Propositiones, & vnamquamque

que ipsarum, ut minimum, tanquam scandalosas esse damnandas, & prohibendas, sicut eas damnat, ac prohibet. Itaut quicumque illas, aut coniunctim, aut diuisim docuerit, defenderit, ediderit, aut de eis etiam disputatiue, publice, aut priuatim tractauerit, nisi forsitan impugnando, ipso facto incidat in excommunicationem, à qua non possit (præterquam in articulo mortis) ab alio quacumque etiam dignitate fulgente, nisi à pro tempore existente Romano Pont. absolui.

Insuper distictè in virtute sanctæ obedientiæ, & sub interminatione Diuini Iudicii prohibet omnibus Christi fidelibus cuiuscumq; conditionis, dignitatis, ac status, etiam speciali, & specialissima nota dignis, ne prædictas opiniones, aut aliquam ipsarum, ad praxim deducant.

*Io: Lupus S. Rom. & Vniuers. Inquis. Notar. &c.*

Loco ✠ Sigilli.

*Anno à Natiuitate D. N. Iesu Christi millesimo sexcentesimo sexagesimo sexto, inasctione quarta, die verò 23. mensis Martij Pontificatus autem Sanctiss. in Christo Patris D. N. D. ALEXANDRI Diuina Prouidentia Papæ VII. Anno undecimo supra dictum decretum affixum, & publicatum fuit ad valuas Basilicę Principis Apostolorum, Cancellaria Apostolica, ac in acie Campi Floræ, ac in alijs locis solitis, & consuetis Vbis per me Carolum Melanum eiusdem Sanctiss. D. N. Papæ, & Sanctiss. Inquisitionis Cursorem.*

**Feria v. die 2. Martij 1679.**

**In Congregatione generali Sanctæ Romanæ, & vniuersalis Inquisitionis habita in Palatio Apostol. Montis Quirinalis coram Sanctiss. D. N. INNOCENTIO Diuina Prouidentia Papa XI., ac Eminentiss. & Reuerendiss. DD. S.R.E. Cardinalibus in tota Republica Christiana aduersus hæreticam prauitatem Generalibus Inquisitoribus à Sancta Sede Apostolica specialiter Deputatis.**



**Romæ, & Florentiæ, apud Vincentium Vangelisti, Archiepiscopalem Typographum. 1679.**

**S**acrosanctissimus D.N. Innocentius Papa XI. prædictus  
 ouium sibi à Deo creditarum salutì sedulò incum-  
 bens, & salubre opus in segregandis noxijs doctrina-  
 rum pascuis ab innoxijs à fel. record. Alexandro VII.  
 Prædecessore suo inchoatum prosequi volēs, plurimas  
 propositiones partim ex diuersis, vel libris, vel thesibus,  
 seu scriptis excerptas, & partim nouiter adinuentas  
 Theologorum plurium examini, & deindè Eminentiss.  
 & Reuerendiss. DD Cardinalibus contra hæreticam  
 prauitatem Generalib. Inquisit. subiecit. Quibus pro-  
 positionibus sedulò, & accurate sepius discussis eorum-  
 dem Eminentiss. Cardinalium, & Theologorum votis  
 per Sanctit. Suam auditis. Idem Sanctiss. D.N. reposita  
 mature considerata, statuit, & decreuit pronunc-  
 sequentes propositiones, & vnamquamque ipsarū, sicut  
 iacent, vt minimum tamquam scandalosas, & in praxi  
 perniciosas, esse damnandas, & prohibendas, sicuti eas  
 damnat, & prohibet. Non intendens tamen S. S. per  
 hoc Decretum alias propositiones in ipso nō expressas,  
 & Sanctitati Suę quomodolibet, & ex quacumque par-  
 te exhibitas, vel exhibendas vllatenus approbare.

1 Non est illicitum in Sacramentis conferendis se-  
 qui opinionem probabilem de valore Sacramenti, re-  
 licta tutiore, nisi id veter lex, conuentio, aut pericu-  
 lum grauis damni incurrendi. Hinc sententia probabi-  
 li tantum vtendum non est in collatione Baptismi, Or-  
 dinis Sacerdotalis, aut Episcopalis.

2 Probabiliter existimo, Iudicem posse iudicare iux-  
 tà opinionem, etiam minus probabilem.

3 Generatim dum probabilitate, siue intrinseca,  
 siue

siue extrinseca quantumuis tenui, modo à probabilitatis finibus non exeat, confusa aliquid agimus, semper prudenter agimus.

4 Ab infidelitate excusabitur Infidelis non credens ductus opinione minus probabili.

5 An peccet mortaliter, qui actum dilectionis. Dei semel tantum in vita eliceret, cōdemnare non audemus.

6 Probabile est, nè singulis quidem rigorosè quin-quennijs per se obligare præceptū charitatis erga Deū.

7 Tunc solum obligat, quando tenemur iustificari, & non habemus aliam viam, qua iustificari possumus.

8 Comedere, & bibere vsq. ad satietatem ad solam voluptatē nō est peccatum, modo non obsit valetudini, quia licitè potest appetitus naturalis suis actibus frui.

9 Opus coniugij ob solam voluptatem exercitum, omni penitus caret culpa, ac defectu veniali.

10 Non tenemur proximum diligere actu interno, & formali.

11 Præcepto proximum diligendi satisfacere possumus per solos actus externos.

12 Vix in Secularibus inuenies, etiam in Regibus superfluum statui. Et ita vix aliquis tenetur ad eleemosynam, quando tenetur tantum ex superfluo statui.

13 Si cum debita moderatione facias, potes abique peccato mortali de vitā alicuius tristari, & de illius morte naturali gaudere, illam inefficaci affectu petere, & desiderare; non quidem ex displicentia personæ, sed ob aliquod temporale emolumentum.

14 Licitum est absoluto desiderio cupere mortem Patris, non quidem, vt malum Patris, sed vt bonū cupi-

entis, quia nimirum ei obuentura est pinguis hereditas.

15 Licitum est, filio gaudere de patricidio Parentis à se in ebriente perpetrato propter ingentes diuitias inde ex hereditate consecutas.

16 Fides non censetur cadere sub præceptum speciale, & secundum se.

17 Satis est, actum fidei semel in vita elicere.

18 Si à potestate publica quis interrogetur, fidem ingenuè confiteri, vt Deo, & fidei gloriosum consulo, tacere, vt peccaminosum per se non damno.

19 Voluntas non potest efficere, vt assensus fidei in seipso sit magis firmus, quam mereatur pondus rationum ad assensum impellentium.

20 Hinc potest quis prudenter repudiare assensum, quem habebat supernaturalem.

21 Assensus fidei supernaturalis, & utilis ad salutem stat cum notitia solum probabili reuelationis, immo cū formidine, qua quis formidet, ne non sit locutus Deus.

22 Non nisi fides vnius Dei necessaria videtur necessitate mediij, non autem explicita Remuneratoris.

23 Fides late dicta ex Testimonio Creaturarum, si milite motu ad iustificationem sufficit.

24 Vocare Deum in Testem mendacij leuis non est tanta irreuerentia, propter quam velit, aut possit damnare hominem.

25 Cum causa licitum est furare sine animo iurandi, siue res est leuis, siue grauis.

26 Si quis, vel solus, vel coram alijs, siue interrogatus, siue propria spontè, siue recreationis causa, siue quocumque alio sine iuret, se non fecisse aliquid, quod

re vera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quod vis aliud additum verum, revera non mentitur, nec est periurus.

27 Causa iusta vtendi his amphibologijs est, quoties id necessarium, aut vtile est ad salutem corporis, honorem, res familiares tuendas, vel ad quemlibet alium virtutis actum, ita vt veritatis occultatio censeatur tunc expediens, & studiosa.

28 Qui mediante commendatione, vel munere ad Magistratum, vel Officium publicum promotus est, poterit cum restrictione mentali prestare iuramentum, quod de mandato Regis a similibus solet exigi, non habito respectu ad intentionem exigentis, quia non tenetur fateri crimen occultum.

29 Vrgens metus grauis est causa iusta Sacramentorum administrationem simulandi.

30 Fas est viro honorato occidere inuasorem, qui nititur calumniam inferre, si aliter hac ignominia vitari nequit; idem quoque dicendum, si quis impingat alapam, vel fuste percutiat, & post impactam alapam, vel ictum fustis fugiat.

31 Regulariter occidere possum furem pro conseruatione vnius aurei.

32 Non solum licitum est defendere defensione occisiua, que actu possidemus, sed etiam ad qua ius inchoatum habemus, & que nos possessuros speramus.

33 Licitum est tam heredi, quam legatario contra iniuste impediens, ne vel hereditas adeatur, vel legata soluantur, se taliter defendere, sicut & ius habet.

benti in Cathedram, vel præbendam contra eorum possessionem iniuste impediētem.

34 Licet procurare abortum ante animationem, fœtus, ne Puella deprehensa grauida occidatur, aut infametur.

35 Videtur probabile omnem fortunā, quandiu in utero est, carere anima rationali, & tunc primū incipere eandem habere, cum paritur, ac consequenter dicendum erit in nullo abortu homicidium committi.

36 Permissum est furari, non solum in extrema necessitate, sed etiam in graui.

37 Famuli, & famulæ domesticæ possunt occulte heris suis surripere ad compensandam operam suam, quam maiorem iudicant salario, quod recipiunt.

38 Non tenetur quis sub pœna peccati moralis restituere quod ablatum est per pauca furta, quantumcumque sit magna summa totalis.

39 Qui alium mouet, aut inducit ad inferendum, graue damnum tertio non tenetur ad restitutionem istius damni illati.

40 Contractus Mohatra licitus est, etiam respectu eiusdem Personæ, & cum contractu retrouenditionis præuie inito, cum intentione lucri.

41 Cum numerata pecunia pretiosior sit numeranda, & nullus sit, qui non maioris faciat pecuniam præsentem, quam futuram, potest creditor aliquid ultra sortem à mutuatario exigere, & eo titulo ab usura excusari.

42 Usura non est dum ultra sortem aliquid exigitur tamquam ex beneuolentia, & gratitudine debitum, sed



sed solum si exigatur tanquam ex iustitia debitum.

43 Quidni non nisi veniale sit detrahentis auctoritatem magnam sibi noxiam falso crimine elide-e?

44 Probabile est non peccare mortaliter, qui imponit falsum crimen alicui, ut suam iustitiam, & honorem defendat. Et si hoc non sit probabile, vix vlla erit opinio probabilis in Theologia.

45 Dare temporale pro spirituali non est simonia, quando temporale non datur tanquam pretium, sed dumtaxat tanquam motiuum conferendi, vel efficiendi spirituale, vel etiam quando temporale fit solum gratuita compensatio pro spirituali, aut è contra.

46 Et id quoque locum habet, etiam si temporale fit principale motiuum dandi spirituale, immò etiam si sit finis ipsius rei spiritualis, sic ut illud pluris aestimetur, quam res spiritualis.

47 Cum dixit Concilium Tridentinum eos alienis peccatis communicantes mortaliter peccare, qui nisi quos digniores, & Ecclesiæ magis utiles, ipsi iudicauerint ad Ecclesias promouent, Concilium, vel primò videtur per hoc digniores non aliud significare velle, nisi dignitatem eligendorum sumpto comparatio propositio; vel secundò locutione minus propria ponit digniores, ut excludat indignos, non verò dignos, vel tandem loquitur tertio quando fit concursus.

48 Tam clarum videtur, fornicationem secundum, se nullam inuoluere malitiam, & solum esse malam, quia interdicta, ut contrarium omnino rationi dissonum videatur.

49 Mollities iure naturæ prohibita non est. Vnde  
si De;

fi. Deus eam non interdixisset, sapè esset bona, & aliquando obligatoria sub mortali.

50 Copula cum coniugata, consentiente marito, non est adulterium, adeoque sufficit in confessione dicere, se esse fornicatum.

51 Famulus, qui submissis humeris scienter adiuvat herum suum ascendere per fenestras ad stuprandum virginem, & multoties eidem subseruit deferendo scalam, aperiendo ianuam, aut quid simile cooperando, non peccat mortaliter si id faciat metu notabilis detrimenti, puta ne à Domino male tractetur, ne torvis oculis aspiciatur, ne domo expellatur.

52 Præceptum seruandi festa non obligat sub mortali, seposito scandalo, si absit contemptus.

53 Satisfacit præcepto Ecclesiæ de audiendo Sacro, quiduas eius partes immò quatuor simul à diuersis Celebrantibus audit.

54 Qui non potest recitare Matutinum. & Laudes, potest autem reliquas horas, ad nihil tenetur, quia maior pars trahit ad se minorem.

55 Præcepto Communionis annuè satisficit per sacri legem Domini manducationem.

56 Frequens Confessio, & Communio, etiam in his, qui gentiliter viuunt, est nota prædestinationis.

57 Probabile est, sufficere attritionem naturalem, modo, honestam.

58 Non tenemur Confessario interroganti fateri peccata alieius consuetudinem.

59 Licet sacramentaliter absoluerè dimidiatè tantum confessos ratione magni concursus Penitentium,

qualis v.g. potest contingere in die magnæ alicuius festivitatis, aut indulgentiæ.

60. Penitenti habenti consuetudinem peccandi contra legem Dei, Naturæ, aut Ecclesiæ, etsi emendationis spes nulla appareat, nec est neganda, nec differenda absolutio; dum modo ore proferat, se dolere, & proponere emendationem.

61. Potest aliquando absolui, qui in proxima occasione peccandi versatur, quam potest, & non vult omittere, quinimmo directe, & ex proposito quærit, aut ei se integrit.

62. Proxima occasio peccandi non est fugienda, quando causa aliqua utilis, aut honesta non fugiendi occurrit.

63. Licitum est quærere directe occasionem proximam peccandi pro bono spiritali, vel temporali nostro, vel proximi.

64. Absolutionis capax est homo quantūvis labore ignorantia Mysteriorum Fidei, & etiam si per negligentiam, etiam culpabilem nesciat Mysterium Sanctiss. Trinitatis, & incarnationis Domini Nostri Iesu Christi.

65. Sufficit illa Mysteria semel credidisse.

Quicumque autem cuiusvis conditionis, status, & dignitatis illas, vel illarum aliquam coniunctam, vel diuinitatem defenderit, vel ediderit, vel de eis disputatiue, publice, aut priuatim tractauerit, vel prædicauerit, nisi forsân impugnando, ipso facto incidat in excommunicationem latæ sententiæ, a qua non possit (præterquam in articulo mortis) ab alio quacumq; etiam dignitate fulgente nisi pro tempore existente Romano Pontifice absolui.

In.

Insuper districtè in virtute sanctæ obedientiæ, & sub  
interminatione Diuini Iudicii prohibet omnibus Chri-  
stianis cunctisq; conditionis, dignitatis, ac sta-  
tus, etiam speciali, & specialissima nota dignis, ne  
prædictas opiniones, aut aliquam ipsarum, ad praxim  
deducant.

Tandem, vt ab iniurijs contentionibus Doctores,  
seu Scholastici, aut alij quicumque in posterum se ab-  
stineant, & vt paci, & charitati consulatur idem San-  
ctissimus in virtute sanctæ Obedientiæ eis præcipit, vt  
tàm in libris imprimendis, ac manuscriptis, quam in  
Thesibus, Disputationibus, ac Predicationibus caue-  
ant ab omni censura, & nota, necnon à quibuscumque  
conuicijs contra eas propositiones, quæ adhuc inter  
Catholicos hinc inde controuertuntur, donec à S. Sede  
recognita super iisdem propositionibus iudicium pro-  
feratur.

*Franciscus Riccardus S. Rom. & Vniuers. Inq. Not.*

*Loco ✠ Sigilli.*

Anno à Natiuitate D. N. Iesu Christi millesimo sexcentesi-  
mo septuagesimo nono, incarnatione secunda, die vero 4. mensis  
Maij Pontificatus autem Sanctiss. in Christo Patris D. N. D.  
**INNOCENTII** Diuina Prouidentia Pape XI anno Ter-  
tio supradictum decretum affixum, & publicatum fuit ad  
valvas Basilicę Principis Apostolorum, Cancellaria Aposto-  
lica, ac in acie Campi Floræ, ac in alijs locis solitis, & consue-  
tis Urbis per me Franciscum Perinum eiusdem Sanctiss. D. N.  
Pape, & Sanctiss. Inquisitionis Cursorem.

# DECRETVM

## CIRCA

## COMMUNIONEM

### Quotidianam.



VM ad aures Sanctiss. D. N. fide dignorum testimonio peruenit in quibusdam Diocesis vigere vsum quotidianæ Communionis, etiam in feria sexta Parasceue, & simul affirmari eandem quotidianam Communionem præceptam esse à iure Diuino, quin etiam in illius administratione aliquos abusus inoleuisse; videlicet, quod aliqui, non in Ecclesia, sed in priuatis Orioriis, & Domi, imò cubantes in lecto, & non laborantes vlla grauis infirmitatis nota sumant Sacrosanctam Eucharistiam, quam argentea theca inclusam in crumena, aut secreto illis deferunt Sacerdotes seculares, aut regulares, alijque in Communionem accipiant plures formas, ac particulas, vel grandiores solito, ac tandem quis confiteatur peccata venialia simplici Sacerdoti non approbato ab Episcopo, aut Ordinario. Cum autem hec Sanctissimus consideranda commiserit Sac. Congr. Cardin. Conc. Trid. Interpretum, eadem S. Congregatio præuid matura discussione super prædictis vniuersim sententia ita censuit. Et frequens quo-

tidianusue sacrosanctæ Eucharistię vsus à SS. Patribus  
 fuerit semper in Ecclesia probatus; nunquam tamen,  
 aut sæpius illam percipiendi, aut abstinendi, certos  
 singulis mensibus, aut hebdomadis dies statuerunt, quos  
 nec Concilium Trid præscripsit, sed quasi humanam  
 infirmitatem secum reputaret, nihil præcipiens, quid  
 cuperet tantum indicauit, cum inquit: Optaret quidē  
 Sacrosancta Synodus, vt singulis Missis fideles adstan-  
 tes Sacramentali Eucharistię perceptione communi-  
 carent; Idque non immerito, multiplices enim sunt,  
 conscientiarum recessus, variæ ob negotia spiritus a-  
 lienationes, multæ è contra gratiæ, & Dei dona par-  
 uulis concessa: quæ cum humanis oculis scrutari non  
 possimus, nihil certè de cuiusque dignitate, atque in-  
 tegritate, & consequenter de frequentiori, aut quoti-  
 diano vitalis panis esu potest constitui. Et propterea  
 quod ad negotiatores ipsos attinet, frequens ad sacrā  
 alimoniam percipiendam accessus, Confessariorum  
 secreta cordis explorantium iudicio est relinquendus,  
 qui ex conscientiarum puritate, & frequentię fructu,  
 & ad pietatem processu Laicis negociatoribus, & Co-  
 niugatis, quod prospicient eorum saluti profuturum,  
 id illis præscribere debebunt. In Coniugatis autem hoc  
 amplius animaduertent, cum B. Apostolus nolit eos  
 inuicem fraudari, nisi fortè ex consensu ad tempus, vt  
 vacent orationi eos seriò admoneant, tanto magis ob  
 Sacratiss. Eucharistię reuerentiā continentię vacan-  
 dum, puriorique mente ad Cælestium Epularum Com-  
 munionem esse conueniendum. In hoc igitur Pastoriū  
 diligentia potissimum inuigilabit, non vt a frequenti,  
 aut

aut quotidiana Sacrae Communionis sumptione vnica præ-  
 cepti formula aliqui deterreantur, aut sumendi dies genera-  
 liter constituentur; sed magis quid singulis permittendum  
 per se, aut Parochos, seu Confessarios sibi decernendum pu-  
 tet: Illudque omnino prouideat, vt nemo à Sacro Conuiuio  
 seu frequenter, seu quotidie accesserit repellatur; & nihili-  
 lomius det operam, vt vnusquisque dignè pro deuotionis,  
 & præparationis modo rarius, aut crebrius Dominici Cor-  
 poris suauitatem degustet. Itidem Moniales quoridie Sa-  
 cram Communionem petentes admonendæ erunt, vt in die-  
 bus ex earum Ordinis Instituto præstitutis communicent;  
 Si quæ vero puritate mentis eniteant, & seruire spiritus ita  
 incaluerint, vt dignæ frequentiori, aut quotidiana Sanctis-  
 simi Sacramenti perceptione videri possint; id illis à Supe-  
 rioribus permittatur. Proderit etiam præter Parochorum,  
 & Confessorum diligentiam opera quoque Concionato-  
 rum vri, & cum eis constitutum haberi, vt cum fideles ad  
 Sanctissimi Sacramenti frequentiam (quod facere debent)  
 accenderint, statim de magna ad illud sumendum præpara-  
 tione orationem habeant, generatimque ostendant, eos qui  
 ad frequentiore aut quotidianam salutiferi cibi sumptio-  
 nem deuoto studio excitantur, debere, siue Laici negocia-  
 tores sint, siue Coniugati, siue quicumque alij suam agno-  
 scere infirmitatem, vt dignitate Sacramenti ac Diuini iu-  
 dicii formidine discant coelestem mensam in qua Christus  
 est, reuereri; Et si quando se minus paratos senserint, ab ea  
 abstinere, seque ad maiorem præparationem accingere.  
 Episcopi autem, in quorum Diocesis viger huiusmodi  
 deuotio erga Sanctissimum Sacramentum pro illa gratias Deo agant,  
 eamque ipsi adhibito prudentiæ, & iudicii temperamento ale-  
 re debebunt, & ab eorum officio postulari sibi maxime per-  
 sua debunt, nulli labori, aut diligentia parochorum, vt om-  
 nis irreuerentiæ, & scandali suspicio in veri, & immaculati  
 Agni perceptione tollatur virtutesque ac dona in summentibus  
 augeantur: Quod abundè contingeret si ij, qui deuoto  
 modo studio, diuina præstante gratia tenentur, seque Sacra-

ris. Panes frequentius refici cupiunt, suas vires expendere, seque probare cum timore & charitate assueverint: Quibus Christum Dominum qui se fidelibus manducandum & se pretiū in morte tradidit, atq; in celesti Regno se premiū est daturus precatur Sacra Congr. vti suam opem ad dignā preparationē, & sumptionē largiatur. Porro Episcopi, & Parochi, seu Confessarij redarguant asserētes Communionē quotidianā esse de iure diuino. doceant in Ecclesijs, seu Oratorijs priuatis, ex dispensatione, seu Priuilegio Pontificis de manu Sacerdotis sumendā Sanctiss. Eu. charistiam, nec eam vllō modo deferendam in Crumena, aut secreto ad existentes domi vel eubantes in lecto, quā ad infirmos, qui ad illā suscipiendā ad loca prædicta accedere non valeant & ad eos, si ab Ecclesia deferatur publicē, & cum pompa iuxta formam Rituum Rom.; seu verò ab Oratorio priuilegiato, cum forma decenti. Curent etiā, vt circa Communionē in feria 6 Parasceue Missilis Rubricæ, & Eccl. Rom. vsus seruentur; Insuper admoneant nulli tradendas plures Eucharistiæ formas, seu particulas neq; grandiores. sed consuetas; Non permittant, vt venialiū confessio fiat simplici Sacerdoti, non approbato ab Episc.; aut Ordinario. Si Parochi, & Confessarij etiā Regulares, aut quicunq; alij Sacerdotes scus egerint, sciant Deo Opt. Max. rationem reddituros esse, neq; de futuram Episcop. & Ordinariorū iustam ac rigorosam animaduersionem in contrasacientes etiam Regulares, etiā Soc. Iesu, facultate ipsis Episc. & Ordin. per hoc Decretum per Sedem Apostolicam specialiter attributa,

Et facta de præmissis omnibus, ac de verbo ad verbum relatione. Sanctitas Sua approbavit, ac præsens Decretū Typis dari, ac publicari voluit. In quorum, &c. Datum Romę 12. Februarijs 1679.

### **F. CARD. COLUMNA PRÆF.**

S. Archiep. Brancaccius Episc. Viterbien. Secr.

Die 15. mensis Febr. 1679. suprad. Decretum affixum, & publicatum fuit per Urbem ad Valuas Curie, & in acie Campi Ploze, vt moris est per me Egidium Felicem SS. D. N. PP. Curserem. Pro E. Mag. Curser. Gregor. Siagius Apost. Curf.